

四庫全書

集部

欽定四庫全書

東坡詩集註卷六

宋 王十朋 撰

述懷

秋懷二首

苦熱念西風

堯祖古樂府有苦熱行

常恐來無時及茲遂淒凜又

作徂年悲

次公淮南子木葉落長年悲

蟋蟀鳴我牀黃葉投我幃

厚阮

嗣宗詩開秋兆涼氣蟋蟀鳴牀帷

窻前有棲鵬夜嘯如狐狸

續賈誼傳誼為長沙

王傳有鵬鳥入舍止於露冷梧葉脫孤眠無安枝熠燿

亦有偶

厚詩東山熠燿宵行

高屋飛相追定知無幾見迫此清霜

期

曾杜少陵螢火詩十月清霜重飄零何處歸

物化逝不留我興為嗟咨

次公

詩我興視夜

便當勤秉燭

續古詩晝短苦夜長何不秉燭遊

為樂戒暮遲

海風東南來吹盡三日雨空堦有餘滴

厚古詩夜雨滴空堦似與

幽人語

次公易幽人貞吉

念我平生歡寂寞守環堵

續禮儒行環堵之室

壺漿慰作勞

續陶潛詩壺漿勞近鄰援楊惲書田家作勞

裹飯救寒苦

次公莊子

裹飯而往食之

今年秋應熟過從飽雖黍嗟我獨何求

厚詩不知我者

謂我何求 萬里涉江浦居貧豈無食自不安歎歔念此坐達

晨

續陶詩念此懷悲
悽終曉不能靜

殘燈翳復吐

厚杜詩曳雲蒙清
晨初日翳復吐

軾以去歲春夏侍立邇英而秋冬之交子由相繼
入侍次韻絕句四首各述所懷

瞳瞳日脚曉猶清細細槐花暖欲零坐閱諸公半廊廟

時看黃色起天庭

自注僕射呂公門下韓公左丞劉公
皆自講席大用續人面有天庭相書

以黃色為喜色退之詩
云眉間黃色見歸期

上尊初破早朝寒茗益仍沾講舌乾陞楯諸郎空雨立

故應慙悔不儒冠

次公漢高祖解儒冠溺之

兩鶴摧頽病不言年來相繼亦乘軒

援左傳衛懿公好鶴有乘軒者

誤聞九奏聊飛舞

十朋虞書簫韶九成鳳凰來儀百獸率舞

可得裴回為啄

吞

微生偶脫風波地晚歲猶存鐵石心

厚皮日休桃花賦序余嘗慕宋廣平

之為相疑其鐵腸石心不解吐婉媚之辭然其梅

定似

香山老居士

師香山寺在洛都龍門白居易晚年自稱香山居士以儒教飾其身佛教治其心道

教養其壽世緣終淺道根深

自注樂天自江州司馬除忠州刺史旋以主客郎中知制誥遂

拜中書舍人軾雖不敢自比然謫居黃州起知文登召
為儀曹遂忝侍從出處老少大畧相似庶幾復亨此翁
晚節閒適之樂焉

小兒

小兒不識愁起坐牽我衣

次公李白詩兒女嬉笑牽人衣

我欲嗔小兒

老妻勸兒癡兒癡君更甚不樂愁何為還坐愧此言洗

盞當我前大勝劉伶婦區區為酒錢

續劉伶嘗渴甚求酒於妻妻捐酒毀

器諫曰君酒太過非攝生之道必宜斷之伶曰善吾不能自禁唯當祝鬼神自誓耳便可具酒肉妻從之伶跪祝曰天生劉伶以酒為名一飲一石五斗解醒婦人之言終不可聽仍飲酒御肉頽然復醉

予去杭十六年而復來留二年而去平生自覺出處老少粗似樂天雖才名相遠而安分寡求亦庶幾焉二月六日來別南北山諸道人而下天竺惠淨師以醜石贈行作三絕句

當來雙鬢兩青青強說重臨慰別情衰髮祇今無可白故應相對話前生

出處依稀似樂天敢將衰老較前賢便從洛社休官去

猶有閒居二十年

續樂天休官於洛所居履道里疏沼種木葺石樓於香山鑿八節灘自號

醉吟先生晚與僧如滿結
香火社文酒娛樂二十年

在郡依前六百日山中不計幾回來

次公樂天詩云到郡六百日入山十

二還將天竺一峰去

次公樂天罷杭有詩云三年為刺史飲水復食藥唯向天竺山取得

兩片欲把雲根到處栽

次公張協詩雲根臨八極雨足散四溟

自笑一首

子石如琢玉

厚歐陽永叔硯譜端石以子石為上子石者在大石中生蓋精石也遠烟真

削鑿

饒松栢栢栢千年為茯苓又千年為琥珀又千年為琥珀同狀似玄玉而甚

輕出入我病風手

古語云磨墨如病風手

玄雲淪淪淪

次公詩有淪淪淪

是中有何好而我喜欲迷既似蠟屐阮續晉書或詣阮

固自歎曰未知一又如鍛柳嵇援晉書嵇康性絕巧而

生當著幾緡履乃激水圍之每夏醉筆得天全厚莊子醉者墜車雖疾

月居其下以鍛猶若是而况宛宛天投蛻次公後漢五行志靈帝時有

得全於天乎黑如車蓋騰起奮迅長十餘丈其貌似多謝中書君公

龍上問蔡邕對曰所謂天投蛻者也退之作毛穎傳以筆為姓伴我此幽栖

寓興

江月五首

并引

嶺南氣候不常吾嘗云菊花開時乃重陽涼天佳月
即中秋不須以日月為斷也今歲九月殘暑方退既
望之後月出愈遲然予嘗夜起登合江樓或與客游
豐湖入栖禪寺扣羅浮道院登逍遙堂逮曉乃歸杜
子美云四更山吐月殘夜水明樓此殆古今絕唱也
因其句作五首仍以殘夜水明樓為韻

一更山吐月玉塔卧微瀾正似西湖上湧金門外看冰
輪橫海濶香霧入樓寒停鞭且莫上照我一杯殘

二更山吐月幽人方獨夜

厚王仲宣詩獨夜不能寐攝衣起拊琴

可憐人

與月夜夜江樓下風枝久未停露草不可藉歸來掩闌

卧唧唧蟲夜話

三更山吐月栖鳥亦驚起起尋夢中遊清絕正如此驅

雲掃衆宿俯仰迷空水幸可飲我牛不須遽洗耳

續高士傳

堯讓天下於許由許由逃之巢父聞之洗其耳拱仲父牽牛飲之見巢父洗耳乃驅牛而還耻令牛飲其下流也

四更山吐月皎皎為誰明幽人赴我約坐待玉繩橫

厚春

秋元命苞玉衡北兩星為玉繩星
杜月詩不違銀漢落亦伴玉繩橫
野橋多斷板山寺有

微行今夕定何夕

援詩今夕何夕見此聚者夢中遊化城
次公法華經有一導

師以方便力化作一城於是衆人
前入化城生已度想生安穩想

五更山吐月窻迥室幽幽

厚退之詩燕鳴室
幽幽月吐窻烟烟玉鉤還掛

戶

厚鮑昭月詩始出西
南樓纖纖如玉鉤

江練却明樓

續謝玄暉詩
澄江靜如練星河

澹欲曉鼓角冷知秋不眠翻五咏清切變蠻謳

妬佳月

狂雲妬佳月怒飛千里黑佳月了不嗔曾何汙潔白爰

有謫仙人舉酒為三客今夕偶不見汎瀾念風伯無煩
風伯來彼也易滅沒支頤少待之寒空淨無跡粲粲黃
金槃獨照一天碧玉繩慘無輝玉露洗秋色浩漭玻璃
盞和光入胸臆使我能永延約君為莫逆

夜行觀星

天高夜氣嚴列宿森就位大星光相射小星闌如沸天
人不相干嗟彼本何事世俗彊指擿一一立名字南箕
與北斗乃是家人器天亦豈有之無乃遂自謂迫觀知

何如遠想偶有似茫茫不可曉使我長歎喟

有美堂暴雪

遊人脚底一聲雷滿座頑雲撥不開天外黑風吹海立

次公杜甫太清宮賦九天之雲下垂四海之水皆立

浙東飛雨過江來十分湫灩

金樽凸千杖敲鏗羯鼓催

高唐南京羯鼓錄明皇嘗遇春雨初晴命取羯鼓臨軒縱

擊回顧柳杏皆折

喚取謫仙泉灑面

續李白待詔翰林明皇度曲欲造新詞亟召白白已

醉於酒肆矣召入宮宮人以水灑面即令秉筆頃刻成十餘章到傾蛟室瀉瓊瑰

任蛟人從

水中出向人家寄住積日賣銷臨去索器泣而出珠滿盤以予主人仔魯聲伯夢涉洹或與已瓊瑰食之泣而

為瓊瑰
盈其懷

次韻章傳道喜雨

自注禱常
山而得

去年夏旱秋不雨海畔居民飲鹹苦今年春暖欲生蜾

續春秋宣十五年
冬蜾生蜾蟲子也

地上戢戢多於土預憂一旦開兩翅

口吻如蜂那肯吐前時渡江入吳越布陣橫空如項羽

自注去歲錢塘見飛蝗自西北來極可畏次公前漢英
布反上自將擊布布兵精甚置陣如項羽軍上惡之

農夫拱手但垂泣人力區區固難禦撲緣駿尾困牛馬

次公莊子言養馬
其有蚊蚋撲緣

啗齧衣服穿房戶坐觀不救亦何心

秉畀炎火傳自古

厚詩去其螟螣及其蠹賊無害我田穰田祖有神秉畀炎火

荷鋤

散掘誰敢後得米濟飢還小補

次公小民掘土埋蝗者以多寡給其米以償其

功也常山山神信英烈麾駕雷公呵電母應憐郡守老且

愚欲把瘡癢手摩撫

次公漢功臣表瘡癢未平

山中歸時風色變中

路已覺商羊舞

援家語齊有一足之鳥舒翅而跳齊侯遣使訪孔子孔子曰此鳥名商羊昔童

兒謠曰商羊鼓舞天將大雨

夜窻騷騷開松竹朝畦泫泫流膏乳從

來旱蝗必相資

師五行志旱則魚螺變為蟲蝗

此事吾聞老農語庶將

積潤掃餘孽收拾豐歲還明主縣前已窖八千斛

坡今春及

今得蝗子自蠶一率以一升完一畝更看蠶婦過初眠眠則蝗

不復生矣未用賀客來旁午次公史冠蓋旁午先生筆力吾所畏感

踏鮑謝誇徐庾次公鮑謝鮑昭謝朓也徐庾徐陵庾信也偶然談笑得佳篇

便恐流傳成樂府續漢武立樂府采詩有趙代秦楚之謳陋邦一雨何足

道吾君盛德九州普中和樂職幾時作試向諸生選何

武厚前漢何武傳宣帝時天下和平四夷賓服神爵五鳳之間屢蒙瑞應益州刺史王褒頌漢德作中和樂

職宣布詩三篇武年十四五與成都揚覆衆等共習歌之宣帝召武等於宣室曰此盛德之事吾何足以當之

雪夜獨宿栢山庵

晚雨纖纖變玉雲小庵高卧有餘清夢驚忽有穿牕片

夜靜惟聞瀉竹聲

王荀鶴雪詩岩谷惟聞折竹聲

稍壓冬瘟聊得健未

濡秋旱若為耕天公用意真難會又作春風爛漫晴

江上值雪效歐陽體限不以鹽玉鶴鷺絮蝶飛舞

之類為比仍不使皓白潔素等字次子由韻

縮頸夜眠如凍龜雪來惟有客先知江邊曉起浩無際
樹杪風多寒更吹青山有似少年子一夕變盡滄浪髭
方知陽氣在流水沙上盈尺江無漸隨風顛倒紛不擇

下滿坑谷高陵危江空野濶落不見入戶但覺輕絲絲
沾裳細看巧刻鏤豈有一天工為霍然一麾徧九野
吁此權柄誰執持世間苦樂知有幾今我幸免沾膚肌
山夫只見壓樵擔豈知帶酒飄歌兒天王臨軒喜有麥
宰相獻壽嘉及時凍吟書生筆欲折夜織貧女寒無帷
高人著屐踏冷冽飄拂巾帽真仙姿野僧斫路出門去
寒液滿鼻清淋漓濯袍入袖濕靴底亦有執板趨堦墀
舟中行客何所愛願得獵騎當風披草中咻咻有寒兔

孤犖下擊千夫馳，鼓冰煮鹿最可樂。我雖不飲強倒巵，
楚人自古好弋獵。誰能往者我欲隨，紛紜旋轉從滿面。
馬上操筆為賦之。

大雪獨留尉氏

古驛無人雪滿庭，有客冒雪來自北。紛紛笠上已盈寸，
下馬登堂面蒼黑。苦寒有酒不能飲，見之何必問相識。
我酌徐徐不滿觥，看客倒盡不流濕。千門盡閉行路絕，
相與笑語不知夕。醉中不復問姓名，上馬忽去橫短策。

船趨風 并引

吳中梅雨既過颯然清風彌旬歲歲如此湖人謂之
船趨風是時海舶初回云此風自海上與舶俱至云
爾

三旬已過梅黃雨萬里初來船趨風幾處縈回度山曲
一時清駛滿江東驚飄蔌蔌先秋葉喚醒昏昏嗜睡翁
欲作蘭臺快哉賦却嫌分別問雌雄續楚襄王遊蘭臺之宮有風颯然而至王乃披襟當之曰快哉此風寡人所與庶人共者也宋玉曰此特大王之雄風耳庶人安得而有之

江上看山

船上看山如走馬，倏忽過去數百羣。
前山槎牙忽變態，後嶺雜遝如驚奔。
仰看微徑斜繚繞，上有行人高縹緲。
舟中舉手欲與言，孤帆南去如飛鳥。

百步洪二首

并序

王定國訪予於彭城，一日棹小舟與顏長道攜盼英
卿三子游泗水，北上聖女山，南下百步洪，吹笛飲酒，
乘月而歸。余時以事不往，夜著羽衣，佇立於黃樓上。

相視而笑以謂李太白死世無此樂三百餘年矣定
國既去逾月余復與錢塘參寥師放舟洪下追懷曩
遊已為陳迹喟然而歎故作二詩一以遺參寥一以
寄定國且示顏長道舒堯文請同賦云

長洪斗落生跳波

次公上林賦
馳波跳沫

輕舟南下如投梭水師

絕叫鳬鴈起

次公袁彥道携
蒲投馬絕叫

亂石一線爭磋磨有如兔

走鷹隼落駿馬下注千丈坡斷絃離柱箭脫手飛電過
隙珠翻荷四山眩轉風掠耳但見流沫生千渦嶮中得

樂雖一快何異水伯誇秋河

續莊子秋水時至百川灌河涇流之大兩涘渚涯之

間不辨牛馬於是焉河伯欣然自喜以天下之美為盡在已也

我生乘化日夜逝

子仁歸去

來辭即乘化以歸盡

坐覺一念逾新羅

次公傳燈錄有僧問盛禪師如何是覲面事師曰新

羅國去也紛紛爭奪醉夢裏豈信荆棘埋銅駝

厚晉索靖知天下將亂指

洛陽宮門銅駝歎曰會見汝在荆棘中

覺來俯仰失千劫回視此水殊委

蛇君看岸邊蒼石上古來蒿眼如蜂窠但應此心無所

住次公金剛經應無所住而生其心

造物雖駛如吾何回船上馬各歸

去多言曉曉師所呵

佳人未肯回秋波幼與欲語防飛梭

續晉謝鯤字幼興鄰家高氏女有美

色鯤嘗挑之女投梭折其兩齒時人為之語曰任遠輕不巳幼與折齒鯤聞之傲然長笑曰猶不廢我嘯歌

舟弄水買一笑醉中蕩槳肩相摩

子仁杜詩已重蕩槳歌側過不學

長安閭里俠

厚前漢書閭里之俠原涉為冠

貂裘夜走臙脂坡

厚臙脂坡長安

妓館名

獨將詩句擬鮑謝涉江共採秋江荷

厚李白詩涉江弄秋水愛

此荷花

鮮不知詩中道何語但見兩頰生微渦我時羽服黃

樓上坐見織女初斜河

續小說沈警傳姮娥妬人不歸青田照織女無類已復斜河

來笛聲滿山谷明月正照金巨羅

厚李白詩蒲酒金巨羅奈何舍

我入塵土擾擾毛羣欺卧馳不念空齋老病更退食誰

與同委蛇

次公詩委蛇委蛇自公退食

時來洪上看遺跡忍見履齒

青苔窠詩成不覺雙淚下悲吟相對惟羊何

續來謝靈運與族弟

惠連何長瑜荀雍羊璠之以文章賞會時人謂之四友靈運有登臨海嶠詩其序云與從弟惠連見羊何共

之欲遣佳人寄錦字

援竇滔出鎮襄陽其妻蘇氏織錦為回文詩以贈之宛轉循環辭甚

凄切夜寒手冷無人呵

續李白於便殿草詔時天寒筆凍帝令宮嬪十人各執牙筆呵之令

白遯取書字

和子由柳湖久涸忽有水開元寺山茶舊無花今

歲盛開二首

太昊祠東鐵墓西

次公太昊祠與鐵墓皆在陳州志林云余舊過陳州留七十餘日近城可

遊觀者無不至柳湖傍有丘俗謂之鐵墓云一樽曾與陳胡公墓也城濠水往嚙其趾見有鐵錮之

子同攜回瞻郡閣遙飛檻北望墻竿半隱堤飯豆羹藜

思兩鵠

援漢翟方進壞陂汝南童謡曰壞陂誰翟子威飯我豆食羹芋魁反乎覆陂當復誰言者兩黃

鵠

飲河嚙水賴長蛻

援漢昭帝時天雨虹下屬宮中飲井水竭天投蛻則大雨也

如

今勝事無人共花下壺盧鳥勸提

提壺盧鳥語也

長明燈下石欄干長共杉松鬪歲寒葉厚有稜犀甲健

花深少態鶴頭丹久陪方丈曼陀雨

續佛書佛說法
天雨曼陀羅花羞

對先生苜蓿盤

厚薛令之為東宮侍讀時官僚閑淡以
詩自悼云朝日上團團照見先生盤

中無所有苜蓿長闌干飯澀匙難滑
稀箸易寬只可謀朝食何由保歲寒

雪裏盛開知有

意明年開後更誰看

西湖戲作

信民杭穎皆有西湖東坡連守二州其
到穎有謝執政啟云八參兩禁用玷北

扉之榮出典二邦
輒為西湖之長

一士千金未易償

次公子貢曰寧喪千金無失
士心則一士比千金為多矣我從陳

趙兩歐陽舉鞭拍手笑山簡

續李白襄陽歌襄陽小兒
齊拍手攔街爭唱白銅鞮

傍人借問笑何事
笑殺山翁醉似泥
祇有并州一葛强
厚晉山簡傳郡民有佳園池簡每出嬉遊多之池上置酒輒醉名曰高陽池時有兒童歌曰山公出何許往至高陽池日夕倒載歸酩酊無所知時能騎馬倒着白接羅舉鞭問葛强何如并州兒葛强簡愛將也

江郊并序

惠州歸善縣治之北數步抵江少西有盤石小潭可以垂釣作江郊詩云

江郊葱曨雲水清
絢綺岸斗入洄潭
輪轉厚柳子厚記流沫成輪

先生悅之布席間燕初日下照潛鱗俯見意釣忘魚張蒯

志和每垂釣不設餌志不在魚也

樂此竿綫優哉悠哉

次公詩小雅優哉悠哉

玩

物之變

舟中夜起

微風蕭蕭吹菰蒲開門看雨月滿湖舟人水鳥兩同夢

次公詩甘與子同夢

大魚驚竄如奔狐夜深人物不相管我獨形

影相嬉娛暗潮生渚弔寒蛸落月掛柳看懸珠此生忽

忽憂患裏清境過眼能須臾雞鳴鐘動百鳥散船頭擊

鼓還相呼

六月二十七日望湖樓醉書五絕

龜父圖經望湖樓一名看經樓

乾德七年忠懿王錢

氏建去錢塘一里

黑雲翻墨未遮山白雨跳珠亂入船
卷地風來忽吹散

望湖樓下水如天

放生魚鼈逐人來

敬夫天僖四年太子太保判杭州王
欽若奏以西湖為放生池禁捕魚鳥

為人主
祈福

無主荷花到處開

次公杜詩桃花
一簇開無主

水枕能令山

俯仰風船解與月徘徊

烏菱白芡不論錢亂繫青菰裹綠盤
忽憶嘗新會靈觀

滯留江海得加餐

次公會靈
觀在京師

獻花遊女木蘭橈細雨斜風濕翠翹

次公張志和詩青
蘋笠碧蓑衣斜風

細雨不無限芳洲生杜若吳兒不識楚詞招

續屈原九
歌采芳洲

兮杜若將以
遺兮下女

未成小隱聊中隱

續王康珞反招隱詩大
隱隱朝市小隱隱藪澤

可得長閒勝

暫閒我本無家更安往故鄉無此好湖山

宿望湖樓再和

新月如佳人出海初弄色娟娟到湖上
歛歛搖空碧夜

涼人未寢山靜聞響屐

厚南史謝靈運傳尋山涉嶺必造幽峻登躡嘗着木屐上山則

去其前齒下山則去其後齒

騷人故多感悲秋更慄慄

續宋玉九辨悲哉秋之為

氣也慄慄兮若在遠行登山臨水兮送將歸

君胡不相就朱墨紛黝赤

援蘇縉事

周文帝為行臺令史典機案始製文案程式朱出墨入

我行得所嗜十日忘家宅

但恨無友生詩病莫相詰君來試吟咏定作鶴頭側改

罷心愈疑滿紙蛟蛇黑

三月二十日開園三首

是日散父老酒食

雪髯霜鬢語僂僂澹蕩園林取次行要識將軍不凡意

續晉書帝召桓伊飲宴謝安侍坐伊撫箏而歌怨詩從
謝安泣下乃越席而就之持具鬚曰使君於此不凡
來祇啜小人羹厚左傳鄭伯賜穎考叔食考叔食捨肉曰小人有母皆嘗小人之食矣未嘗君
之美請以遺之

西園牡鑰夜沈沈

敬夫漢五行志成帝元延元年正月長安章城門門牡自亡

尚有

遊人卧柳陰鶴睡覺來風露下落花飛絮滿衣襟

鬱鬱蒼髯真道友絲絲紅萼是鄉人

蒼髯松也紅萼海棠也

何時

翠竹江村路送我柴門月色新

續杜甫詩白沙翠竹江村暮相送柴門月色新

吉祥寺花將落而述古不至

今歲東風巧剪裁含情只待使君來次公張祐詩含情只待舍人來對花無信花應恨直恐明年便不開

述古聞之明日即來坐上復用前韻同賦

仙衣不用剪刀裁

次公劉禹錫詩仙人衣裳棄刀尺宋之問立春詠剪綵花應制詩今年春

色好應被剪刀催

國色初含卯酒來

續南都新書唐玄宗內殿賞牡丹謂穆脩已曰今京

邑詩誰為首出脩已曰李正封詩天香夜染衣國色初酣酒時楊妃侍側上曰粧臺前飲以紫金盃則正封之

詩見太守問花花有語為君零落為君開

胡才調集有無名氏絕句

云春光冉冉歸何處更向樽前把一盃盡日問花花不語為誰零落為誰開

東坡一絕

雨洗東坡月色清，市人行盡野人行。莫嫌犖确坡頭路，

次公退之詩山石犖确行徑微自愛鏗然曳杖聲。

山村五絕

熙寧六年作

竹籬茅屋趁溪斜，春入山村處處花。無象太平還有象，

續唐文宗延英對宰相曰：卿等有意太平乎？牛僧孺對曰：太平無象，今雖未及至治，亦可謂小康而更求太平，非臣所及。孤烟起處是人家。

烟雨濛濛雞犬聲，有生何處不安生。但令黃犢無人佩，

厚糲遂為渤海太守令民賣劍買布穀何勞也勸耕次公

牛賣刀買犢曰何為帶牛佩犢

布穀鳥名其聲云然俗云催耕鳥也

老翁七十自腰鎌

續鮑明遠詩腰鎌刈葵藿

慙愧春山筍蕨甜豈是

聞韶解忘味

次公班固幽通賦云虞韶美而鳳儀兮孔忘味於千載

爾來三月食

無鹽

次公涅槃經云食中無鹽

杖藜裹飯去忽忽過眼青錢轉手空贏得兒童語音好

一年彊半在城中

竊祿忘歸我自羞豐年底事汝憂愁不須更待飛鳶墮

方念平生馬少游

續後漢馬援傳援擊交趾謂官屬曰吾從弟少游常哀吾忼慨多大志曰

士生一世但取衣食裁足乘下澤車御款段馬為郡縣吏守墳墓鄉里稱善人足矣致求盈餘但自苦耳當吾在浪泊西里間虜未滅之時下潦上霧毒氣薰蒸仰視飛鳥跼跼墮水中卧念少游平生時語何可得也

二月二十六日雨中熟睡至晚強起出門還作此

詩意思殊昏昏也

卯酒困三杯午餐便一肉雨聲來不斷睡味清且熟昏

昏覺還卧展轉無由足強起出門行孤夢猶可續泥深

竹雞語村暗鳩婦哭

無已避齋間覽云白蟻聞竹雞之聲盡化為水今山林多有之其聲

自呼為泥滑滑者是也
師天將陰鵲輒逐其婦
明朝看此詩睡語應難讀

和李太白 并序

李太白有潯陽紫極宮感秋詩紫極宮今天慶觀也
道士胡洞微以石本示予蓋其師卓玘之所刻玘有
道術節義過人今亡矣太白詩云四十九年非一往
不可復今予亦四十九感之次其韻玉芝一名瓊田
草洞微種之七八年矣云更數年可食許以遺予故
并記之

寄卧虛寂堂月明浸踈竹冷然洗我心

次公易聖人以此洗心

欲

飲不可掬流光發永歎自昔非余獨行年四十九還此

北窻宿緬懷卓道人白首寓醫卜

次公賈誼曰聖人不
在朝廷必在卜醫之

中謫仙固遠矣此士亦難復世道如奕棋變化不容覆

次公左傳視
君不如奕棋

惟應玉芝老待得蟠桃熟

續漢武外傳西
王母言蟠桃三

千歲
一熟

豆粥

君不見滹沱流澌車折軸公孫倉皇奉豆粥濕薪破竈

自燎衣饑寒頓解劉文叔

續後漢馮異傳異字公孫王郎兵起光武自鄆東南馳晨

夜草舍至饒陽蕪蕪亭時天寒烈衆皆飢疲異上豆粥明旦光武謂諸將曰昨得公孫豆粥飢寒俱解及至南宮遇天風雨光武引車入道傍空舍異抱薪鄧禹蕪火光武對電燎衣異復進麥飯因復渡滹沱河至信都次公其後光武詔曰倉卒蕪蕪亭豆粥滹沱河麥飯厚意久不報或曰滹沱河乃是麥飯而先生用為豆粥此盖痛快行語不復檢本耳惟先生則可

又不見金谷敲冰草木春帳下烹煎

皆美人萍蘆豆粥不傳法咄嗟而辨石季倫

厚晉石崇為客作豆

粥咄嗟便辦每冬得韭萍蘆王愷每以不能及為恨乃密貨崇帳下問其所以荅云豆至難熟豫作熟未客來但作白粥以投之韭萍蘆是摘韭根雜以麥苗耳崇有別館在河陽之金谷

干戈未解身如

寄聲色相纏心已醉身心顛倒自不知更識人間有真
味豈如江頭千頃雪色蘆茆簷出沒晨烟孤地碓舂杭
光似玉沙瓶煮豆軟如酥我老此身無著處賣書來問
東家住

次公杜詩盡拈書
籍賣來問爾東家

臥聽雞鳴粥熟時蓬頭曳履

君家去

到潁未幾公帑已竭齋厨索然戲作數句

我昔在東武吏方謹新書

次公東武密州也新書言
新法行減公使庫錢也

齋

空不知春

次公齋字指言公庫也
古人云齋酒者是也

客至先愁子采杞聊

自誑食菊不敢餘

次公密州又曰膠西先生嘗作後杞菊賦其序曰移守膠西意且一飽而

齋厨索然不堪其憂日與通守劉君庭式循古城廢園求杞菊食之其賦有曰會杯酒之不設攬草木以誑口

今詩蓋述

往事耳 歲月今幾何齒髮日向疎幸此一郡老依然

十年初夢飲本來空

次公唐文粹有何諷渴賦皆言夢飲之事

真飽竟亦虛

次公佛書寶積經云說食者竟無所飽夢飽者竟無所得

尚有赤脚婢

續退之贈王川子詩曰一

婢赤脚

能烹頰尾魚

厚詩鮓魚頰尾

心知皆夢耳慎勿歌歸與

和子由次月中梳頭韻

十朋子由詩序云轍有白髮近二十年矣然止百餘

並不增不減度州道人王正彥教令拔去以真水火養之恐不復更生從其言已數月而白髮

不出更年歲不見豈真不生耶子瞻兄示我月中梳頭詩戲次來韻言拔白之驗詩曰水上有車車自翻懸流如線垂前軒霜蓬已枯不再綠有客勸我拔其根枯根一去紫茸出珍重已試幽人言紛紛華髮不足道當返六十過去寬

夏畦流膏白雨翻北窻幽人臥羲軒

續陶潛當言夏日虛閒高卧北窻之

下清風颯至自謂羲皇上人

風輪曉長春筍節露珠夜上秋禾根

或為

予言草木之長常在昧明間早作而伺之乃見其拔起數寸竹筍尤甚又夏秋之交稻方含秀黃昏月出露珠起于其根累累然忽自騰上若有推之者或入于莖心或垂于葉端稻乃秀實驗之信然此二事與子由養生之說契欲從來白髮有公道

厚杜牧詩公道世間唯白髮貴人頭上不曾饒始

信丹經非妄言此身法報本無二

次公法報以言法身報身也乃佛氏之說

華嚴合論
中詳矣

他年妙絕兼形覓

傳燈錄有形神俱妙者乃不復有解化之事

黃州

南山一尺雪雪盡山蒼然澗谷深自暖梅花應已繁使
君厭騎從車馬留山前行歌招野叟共步青林間長松
得高蔭盤石堪醉眠祇樂聽山鳥攜琴寫幽泉愛之欲
忘返但苦世俗牽歸來始覺遠明月高峯巔

無題

六秩行當啓區中緣更疎不貪為我寶安步當君車故
國多喬木先人有敝廬誓將閒散好不著一行書

縱筆

按此詩執政聞而
怒之再貶儋耳

白頭蕭散滿霜風小閣藤牀寄病容報道先生春睡美
道人輕打五更鐘

鳴泉思思君子也君子抱道且殆而時弗與民咸
思之鳴泉故基堙圯殆盡眉山蘇公搔首踟躕作
鳴泉思以思之

鳴泉鳴泉經雲而潺湲拔其毛骨者脩竹蒸為雲氣者
霏烟山夔莫能隱其恠野翟詎敢藏其妍茅廬蕭蕭昔
有人焉其高如山其清如水其心金與玉其道砥與絃
執德沒世落月入地英名皎然陽曦麗天舊隱寂寂新
篁娟娟思彼君子我心若懸谷鳥在上巖花炫前鳴泉
鳴泉能使我宛結而華顛

老人行

有一老翁老無齒處處無人問年紀白髮如絲向下垂

一雙眸子碧如水不裹頭又無履相識雖多少知己問
翁畢竟何所止笑言只在紅塵裏秋風獵獵行雲飛老
人此意無人會目注雲歸心自知黃口小兒莫相笑老
人舊日曾年少浪迹常如不繫舟地角天涯知自跳亦
曾樂半夜傳籌醉朱閣美人如花弄絃索只恨樽前明
月落亦曾憂羈旅他鄉迫暮秋故國日邊無信息斷鴻
空逐水長流或安貧或安富或爵通侯封萬戶一任秋
霜換鬢毛本來面目長如故水有蘋兮山有芝人意雖

存事已非有時却憶經遊處都似茫茫春夢歸邇來尤
解安貧賤不為公卿強陪面皎如明月在秋潭動著依
前還不見還不見可奈何空使遠人增眷戀但祇從他
隨物轉青樓黃閣長相見若相見莫慙懃却是翁家舊
主人

夢中絕句

楸樹高花欲插天暖風遲日共茫然落英滿地君方見
惆悵春光又一年

絕句

柴桑春晚思依依屋角鳴鳩雨欲飛昨日已收寒食火
吹花風起却添衣

洗兒

人皆養子望聰明我被聰明悞一生惟願孩兒愚且魯
無災無難到公卿

無題

引手攀紅櫻紅櫻落如線仰首看紅日紅日走如箭年

光與時景頃刻互衰變何當血肉身安得常强健人心
苦執迷富貴憂貧賤憂色常在眉歡容不上面吾今頭
半白把鏡非不見惟應花下盃更待他人勸

古風

精神洞元化白日昇高旻俯仰凌倒景龍行逸如神半
道過紫府弭節聊逡巡金牀設寶几璀璨明月珍仙者
二三子眷然骨肉親飲我霞石盃放盃恍如春遂朝玉
虛上冠劍班列真無端拜失儀放棄令自新雲霄難遽

返下土多埃塵淮南守天庖嗟我復何人

絕句二首

我我疊石立何孤
賴有蕭蕭翠竹俱
日暮無人鷗鳥散
空留遠水伴寒蘆

漠漠秋高露氣清
新蒲倚石近溪生
夜來雨後西風急
靜向窻前似有聲

絕句三首

松栢蕭森溪水南
道人只作兩團庵
市區收罷豚魚稅

來與彌陀共一龕

此身分付一蒲團
靜對蕭蕭竹數竿
偶為老僧煎茗粥
自攜修綆汲清泉

天風吹月入闌干
烏鵲無聲夜向闌
織女明星來枕上
乃知身不在人間

雜詩

昔日雙鵲照淺眉
如今婀娜綠雲垂
蓬萊老守明朝去
腸斷簾間蟋蟀悲

虛飄飄三首

虛飄飄畫簷蛛結網銀漢鵲成橋塵漬雨桐葉霜飛風
柳條露凝殘點見紅日星曳餘光橫碧霄虛飄飄比浮
名利猶堅牢

虛飄飄花飛不到地虹起謾成橋入夢雲千疊游空絲
萬條蜃樓百尺橫蒼海鴈字一行書絳霄虛飄飄比人
身世猶堅牢

虛飄飄風寒吹絮浪春水暖冰橋勢緩霞垂線聲乾葉

下條雨中漚點隨流水風裏絲雲橫碧霄虛飄飄此時
富貴猶堅牢

古意

兒曹鞭笞學官府翁憐兒癡旁笑侮翁出生曹鞭復呵
賢於羣兒能幾何兒曹鞭人以為戲公怒鞭人血流地
等為戲劇誰復先我年為翁兒更賢

第五橋

白露淒風洗瘴烟夢回相對兩淒然雀羅廷尉非當日

鳩杖先生愈少年世事飽諳思縮手主恩未報恥歸田
誰憐第五橋東水獨照台州老鄭虔

雷州八首

白髮坐鉤黨南遷瀕海州灌園以糊口身自雜蒼頭籬
落秋暑中碧花蔓牽牛誰知把鋤人舊日東陵侯

荔子無幾何黃柑遽如許遷臣不惜日恣意移寒暑層
巢俯雲木信美非吾土草芳自有時鴉鳩何關汝

下居近流水小巢依嶺岑終日數椽閒但聞鳥遺音爐

香入幽夢海月明孤斟鷓鴣一枝足所恨非故林

培塿無松栢駕言此馬游讀書與意會却掃可忘憂尺
蠖以時屈具伸亦非求得歸良不惡未歸且淹留

粵嶺風俗殊有疾時勿藥束帶趨房祀用史巫紛若絃
歌薦繭栗奴至洽觴酌呻吟殊未央更把鷄骨灼

粵女市無常所至輒成區一日三四遷處處售鰕魚青
裙脚不韞臭味猿與狙孰云風土惡白洲生綠珠

海康臘已酉不論冬孟仲殺牛撾鼓祭城郭為傾動雖

非堯頌歷自我先人用苦笑荆楚人嘉平臘雲夢
舊時日南郡野女出成羣此去尚應遶東風已如雲虫
氓託絲布相就通慇懃可憐秋胡子不遇卓文君

山陂陀行

山坡陀兮下屬江勢崖絕兮游波所蕩如頽墻松篁律
兮百尺傍拔此驚葛藟之上不見日兮下可依吾曳杖
兮吾僮亦吾之書隨藐余望兮水中泚頽然而長者黃
冠而羽衣澣頤坦腹盤石箕坐兮山亦有趾安不危四

無人兮可忘飢仙人偃佺自言其居瑤之圃一日一夜
飛相往來不可數使其開口言兮豈惟河漢無驚極余
心默不言兮蹇昭氏之不鼓琴憺將山河與日月長在
若有人兮夢中仇池我歸路此非小有兮噫乎何以樂
此而不去昔余游於葛天兮身非陶氏猶與偕乘渺茫
良未果兮僕夫悲余馬懷聊逍遙兮容與晞余髮兮蘭
之渚余論世兮千載一人猶並時余行詰曲兮欲知余
者稀峨峨洋洋余方樂兮譬余繫舟於水魚潛鳥舉亦

不知何必每念輒得應余若響坐有如此兮人予期

東坡詩集註卷六

欽定四庫全書

東坡詩集註卷七

宋 王十朋 撰

書事

河復 并序

熙寧十年秋河決澶淵注鉅野入淮泗自澶魏以北
皆絕流而齊楚大被其害彭門城下水二丈八尺七
十餘日不退吏民疲於守禦十月十三日澶州大風

終日既止而河流一支已復故道間之喜甚庶幾可塞乎乃作河復詩歌之道路以致民願而迎神休蓋守土者之志也

君不見西漢元光元封間河決瓠子二十年

續瓠子隄名也在今

澶州漢元光中河決瓠子東南注鉅野通於淮泗塞之輒復壞後二十餘年元封二年上有事萬里沙過祠太山還至瓠子自臨決河築宣房於是作宣房之歌次公前漢武帝元光元年歲在丁未盡六年改元朔則歲在癸丑盡六年改元狩則歲在己未盡六年改元鼎則歲在乙丑盡六年改元封則歲在辛未自元光至元封凡二十五年按溝洫志元光中河決瓠子此元光之決也又云上有事萬里沙回還自臨河此元封之決也先生詩

蓋言此兩段事

鉅野東傾淮泗滿楚人恣食黃河鱣

次公武帝作瓠子之

歌有云吾山平兮鉅野溢又曰鬻浮桑兮淮泗滿魯直魏武帝四時食制鱣魚大如五斗區長一丈郭璞注爾

惟鱣魚長二丈

萬里沙回封禪罷

師萬里沙神祠也在萊州掖縣

初遣越巫沈

白馬

續上有事萬里沙回自臨決河沈白馬玉璧次公郊祀志云既滅南越命越巫立越祝沈白馬

河

公未許人力窮薪芻萬計隨流下

厚河渠書天子令羣臣從官自將軍已下

皆負薪寘決河作歌曰寡長筴兮沈美玉河伯許兮薪不屬

吾君仁聖如帝堯百神

受職河神驕

師川禮記禮行於郊而百神受職焉

帝遣風師下約東北流

夜起澶州橋東風吹凍收微渌神功不用淇園竹

續武帝塞

甄子時東郡燒草以故薪柴少而下淇園之竹以為棧

楚人種麥滿河淤仰看浮

槎棲古木

援柳宗元詩渡頭水落村徑成棧亂浮槎在高樹

庚辰歲人日作詩聞黃河已復故流老臣舊數論

此今斯言乃驗

夢仙按年譜元符三年庚辰先生六十五在儋耳五月徽宗皇帝量

移廉州

老去仍栖隔海村夢中時見作詩孫

須溪此句為仲虎發也陸務觀云在

蜀見蘇山藏公墨迹疊韻竹後題云寄作詩孫符

天涯已慣經人日歸路猶欣

過鬼門

厚山水志廣南西路容牢二州界有鬼門關諺曰若度鬼門關十去九不回答言多災瘴也

策已應思賈讓

續漢哀帝時賈讓奏言治河三策今見溝洫志

孤忠終未赦虞

相厚三國志虞翻性疏直數有酒失孫

典衣剩買河源

米屈指新筍作上元

不用長愁掛月村

任杜詩月掛客愁詩

檳榔生子竹生孫

自注海南勒竹

每節生枝如竹竿大蓋竹孫也

新巢語燕還窺硯舊雨來人不到門春

水蘆根看鶴立夕陽楓葉見鴟翻此生念念隨泡影莫

認家山作本元

自注言雖寄旅於海上不必以家山方是本元也

江漲用過韻

草木生故墟牛羊滿空瀆春江圍草市夜浪浮竹屋

信祖

唐房千里為竹室記云予環堵所棲率用竹以結其四周植者為柱楫撐者為椽桷破者為雷削者為障已

連漲海白尚帶霍山綠

次公霍山則惠州江所出也

坎離更休王

次公

坎水也離火也火旺則水休水旺則火休也

魚鼈橫陵陸得非崑崙囚欲報

陸渾

次公陸渾縣名皇甫湜為今有山火詩韓退之和之其詩盛陳山火之熾勢以為火官用事而

水官告之于帝帝謂之曰此蓋時行使然汝於申酉之月然後可騁乃溺火官之邑已而囚火官于崑崙以報

怨也陸渾

行看北風競

續左傳晉人聞有楚師師曠曰吾驟歌北風又歌南風南風不

競來救南國蹙

援左傳成十六年云南國蹙射其元王中厥目

長驅連山燒一

掃舍沙毒

厚山海經大荒南有域處水中含沙射人影中則成瘡

孤吟愍造化何

時停倚伏當憐水旱氓不作舟車蓄

厚史記旱則資車水則資舟物之理

也

江流儻席卷社酒期茆縮

次公古者以茆縮酒如左傳云楚貢包茆不入無以

縮酒是已

連雨漲江二首

越井岡頭雲出山牂柯江上水如天牀牀避漏幽人屋

續杜甫茅屋為秋風所破歌牀牀屋漏無乾處

浦浦移家蜚子船龍卷魚鰕并

雨落人隨雞犬上墻眠只應樓下平堦水長記先生過

嶺年

急雨蕭蕭作晚涼
卧聞榕葉響長廊

厚柳子厚詩山城雨過百花盡榕葉

滿庭鶯亂啼

微明燈火耿殘夢
半濕簾帷浥舊香
高浪隱牀

吹甕盎間風驚樹
擺琳琅先生不出晴
無用留向空堦
滴夜長

頃年楊康功使高麗還奏乞立海廟板橋僕嫌其地湫隘移書使遷之文登因古廟而新之楊竟不從不知定國何從見此書作詩稱道不已僕復不

記其云何也次韻答之

退之仙人也遊戲於斯文談笑出偉奇鼓舞南海神

次公

韓退之有南海神廟碑最為奇絕

頃年三韓使

次公三韓使指言楊康公也高麗謂之三韓曰

晨韓曰升韓曰馬韓

幾為蛟鰐吞歸來築祠宇要使百賈奔

板橋商賈

所聚

我欲遷其廟下數浮空羣

謂登州海市

移書竟不從信非

磊落人公胡為拳拳繫此空中雲作詩頌其美何異刻

劒痕

次公楚人有行船而失劒乃刻舟記之欲以求劒焉事出呂氏春秋

我今已括囊象

在六四坤

援易坤卦六四曰括囊無咎無譽

兩橋

并引

惠州之東江溪合流有橋多廢壞以小舟渡羅浮道士鄧守安始作浮橋以四十舟為二十舫鐵鎖石釘隨水漲落榜曰東新橋州西豐湖上有長橋屢作屢壞栖禪院僧希固築進西岸為飛閣九間盡用石鹽水堅若鐵石榜曰西新橋皆以紹聖三年畢工作二詩落之

羣鯨貫鐵索背負橫空霓

次公羣鯨以言四十舟霓以言兩橋也

首搖翻

雪江尾挿崩雲谿機牙任信縮漲落隨高低轆轤卷巨
索青蛟掛長堤犇舟免狂觸脫筏防撞擠一橋何足云
謹傳滿東西父老有不識喜笑爭攀躋魚龍亦驚逃雷
電生馬蹏嗟此病涉久公私困留稽姦民食此險出沒
如鳬鷖似賣失船壺伯恭遜齋閒覽云傳云中流失船一壺千金壺乃今所謂浮環者凡
渡江海必預備浮環以虞風濤覆溺之患其形如環而空中用帛為帶挂之頂上出兩手以按之則浮而不溺
可以待救至今如去登樓梯次公後漢劉琦嘗與諸葛亮謀自安之術亮初不對
浙人呼為壺
乃共升樓因去
下不至地言出于口而入吾耳可以言未不知百年來

幾人隕沙泥豈知濤瀾上安若堂與閨往來無晨夜醉

病休扶攜使君飲我言妙割無牛雞不云二子勞歎我

捐腰犀

二子造橋子常助施犀帶

我亦壽使君一言聽扶藜常當修

未壞勿使後噬臍

次公左傳若不早圖後君噬臍

昔橋本千柱掛湖如斷霓浮梁陷積淖破板隨奔溪笑

看遠岸沒坐覺孤城低聊因三農隙

續左傳春蒐夏苗秋獮冬狩皆於農

隙以講事也

稍進百步堤炎州無堅石潦水輕推擠千年誰

在者鐵柱羅浮西獨有石鹽木白蟻不敢躋似開銅駝

峯如鑿鐵馬蹠岌岌類鞭石

厚三齊畧記秦始皇作石橋於海上欲過海看日出

處有神人驅石去不速神人鞭之乃流血

山川非會稽

次公始皇所作石橋在今會稽郡石

猶作赤色也

嗟我久閣筆不書紙尾驚

次公法帖中有王氏一帖最後大書一驚

字相傳此帖之珍所

蕭然無尺筭欲構飛空梯百夫下

一杙

厚爾雅檣謂之杙注云檣也

楸此百尺泥

橋柱石礫之下皆有堅木楸入泥中丈餘

謂之頂樁探囊賴故侯寶錢出金閨

子由之婦史頊入內得賜黃金錢數十助施

父老喜雲集簞壺無空攜三日飲不散殺盡西村雞似

間百歲前海近湖有犀

橋下舊名鰐湖蓋常有蛟鰐之類

那知陵谷變

金匱山房集
卷七
枯瀆生芟藜後來忽忘今冬涉水過臍

李公擇求黃鶴樓詩因記舊所聞於馮當世者

黃鶴樓前月滿川
抱關老卒饑不眠
夜間三人笑語言
羽衣着屐響空山
非鬼非人意其仙
石扉三扣聲清圓
洞中鏗鉦落門關
縹緲人石如飛烟
雞鳴月落風馭還
迎拜稽首願執鞭
汝非其人骨腥膻
黃金乞得重莫肩
持歸包裹弊席氈
夜穿茆屋光射天
里閭來觀已變遷
似石非石鉞非鉞
或取而有衆忿喧
訟歸有司今幾年

無功暴得喜欲顛神人戲汝真可憐

續退之感二鳥賦雖得之而不能乃

鬼神之所戲

願君為考然不然此語可信馮公傳

監試呈諸試官

邦衡按先生文集年譜熙寧五年先生在杭州監試

我本山人寒苦盜寸廩文詞雖少作勉強非天稟既

得旋廢忘懶惰今十稔麻衣如再着墨水真可飲

續梁試進

士不中程者飲以墨水援唐嚴選舉之法棘園舉人至渴有飲墨水者子仁北齊選舉濫者飲墨水一斗

每

聞科詔下白汗如流審此邦東南會多士敢題品芻蕘

盡蘭蓀香不數葵荏貧家見珠貝眩晃自難審緬懷嘉

祐初文格變已甚

次公嘉祐初文格彫鏤礫裂如劉幾魏宜之屬

千金碎全璧

百衲收寸錦調和椒桂釀咀嚼沙礫礱廣眉成半額

厚馬

廖言城中好廣眉四方皆半額

學步歸蹕蹕

續莊子壽陵餘子學行於邯鄲失其故步匍匐而歸

又云夔以一足蹠蹕而行

維時老宗伯

援言歐陽永叔也

氣壓羣兒凜蛟龍

不世出魚鮪初驚淦

續禮運以龍為畜故魚鮪不淦淦魚駭貌

至音久乃信

知味猶食樾

續詩泮宮翩彼飛鵝集于泮林食我桑樾懷我好音

至令天下士微

管幾左衽謂當千載後石室祠高朕

厚高朕漢末為蜀郡守興設學校修

周公禮教邦人立石室祠之在文翁石室傍

爾來又一變此學初誰詒權衡

破舊法芻豢笑凡飪高言追衛樂

次公衛玠樂廣言其時尚虛無之學也

篆刻鄙曹沈

次公曹植沈約言時以詩賦為篆刻而不用也

先生周孔出弟子

淵騫寢

次公楊子或問淵騫曰在寢

却顧老鈍軀頑朴謝鑄鋟諸君

况才傑容我懶且噤聊欲廢書眠秋濤春午枕

試院煎茶

蟹眼已過魚眼生

任蔡君謨作茶辨辨水泉煮飲等極為詳備有蟹眼魚眼用湯之法潘茶

經云凡候湯有三沸如魚眼微有聲為一沸四向如涌泉連珠為第二沸騰波鼓浪為三沸則湯老風颭

欲作松風鳴蒙茸出磨細珠落眩轉遶甌飛雪輕銀餅

瀉湯誇第二

續惠山泉煎茶為第二次公此乃是尋常點茶時先畧傾餅中湯方點謂之第二湯

也 未識古人煎水意

古語云煎水不煎茶

君不見昔時李生好客

手自煎貴從活火發新泉

續因話錄李約嗜茶能自煎謂人曰茶須緩火炙活火煎

活火謂炭之有焰方熾者

又不見今時潞公煎茶學西蜀定州花瓷

琢紅玉我今貧病常苦饑分無盃盃捧蛾眉且學公家

作茗飲塲爐石鉞行相隨不用撐腸拄腹文字五千卷

厚盧全謝孟諫議寄新茶詩三
梳搜枯腸惟有文字五千卷

但願一甌常及睡足日

高時

厚盧全新茶詩曰高丈五
睡正濃軍將打門驚周公

催試官考較戲作

八月十五夜月色隨處好不擇茅簷與市樓況我官居
似蓬島鳳唼堂前野橘香劒潭橋畔秋荷老八月十八

潮

堯卿按正和中呂昌明所定浙江潮候云春秋同候初三十八未正潮

壯觀天下無鷗

鵬水擊三千里組練長驅十萬夫

厚楚子重伐吳使鄧廖帥組甲三百被練

三千以侵吳

紅旗青蓋互明滅

次公紅旗青蓋言弄潮也

黑沙白浪相吞

屠人生會合古難必此景此行那兩得願君間此添蠟
燭門外白袍如立鵠

八月十七復登望海樓自和前篇是日勝出與試
官五人復留五首

樓上烟雲怪不來樓前飛紙落成堆非關文字須重看
却被江山未放回

眼昏燭暗細行斜考閱精彊外已誇明日失杯君莫怪

早知安足不成蛇

續陳軫曰人有遺舍人一卮酒者舍人相謂曰畫地為蛇蛇先成者獨飲

之一人曰吾蛇先成吾能為之足人奪之酒曰蛇固無足今為之足非蛇也

亂山遮曉擁千層睡美初涼撼不鷹昨夜酒行君屢歎

定知歸夢到吳興

天台桂子為誰香

厚唐垂拱中天台桂子落十餘日方止云陸龜蒙詩注

倦聽空

階夜點涼賴有明朝看潮在萬人空巷鬪新粧

秋花不見眼花紅身在孤舟兀兀中

次公言在試院中秋花不得見但見

眼花紅而已

細雨作寒知有意未教金菊出蒿蓬

宋叔達家聽琵琶

數絃已品龍香撥

續楊貴妃琵琶以邏沙檀為槽龍香板為撥厚鄭愚津陽門詩玉奴琵琶

龍香撥玉奴太真小字

半面猶遮鳳尾槽

續白樂天琵琶行千呼萬喚始出來猶抱琵琶

半遮面厚楊妃傳奇人白李登使還進木潤如玉光耀可鑒有金縷紅文處如雙鳳新曲翻從玉

連鎖

厚玉連鎖今曲名次公歐陽詩云杜彬琵琶皮作絃自從彬死世莫傳玉連鎖替入黃泉舊聲

終愛鬱輪袍

續王維因歧王為介以琵琶新替之怨切者奏於公主主曰此何曲維曰號鬱輪袍

夢回只記歸舟字

續李生者具舅盧有道術謂李生曰求得善筮蓍者令侍飲生視筮蓍上

有朱字云雲中辨江樹天際識歸舟後李生娶陸長源女乃所見於舅家者問有何能曰善筮蓍取而視之朱字宛然見太賦罷雙垂紫錦條亮卿紫錦條見平廣記云張說琵琶賦何異烏

孫送公主

厚傳玄琵琶賦序曰故老言漢送烏孫公主念其行道思慕使知音者於馬上奏之碧

天無際鴈行高

款塞來享

蠢爾氏羌國天誅亦久稽既能知面內不復議征西
斥候銷烽火邊城息鼓輦輸忠修貢職棄過為黔黎
雪滿流沙靜雲沈太白低巍巍二聖治盛德古難齊

觀開西湖次吳左丞韻

偉人謀議不求多事定紛紛自唯阿盡放龜魚還綠浦
肯容蕭葦障前坡一朝美事誰能絕百尺蒼崖尚可磨
天上列星當亦喜月明時下浴清波

間洮西捷報

漢家將軍一丈佛詔賜天池八尺龍露布朝馳玉關塞
捷書夜到甘泉宮似間指揮築上郡已覺談笑無西戎
牧臣不見天顏喜但驚草木放春容

已未十月十五日獄中恭聞太皇太后不豫有赦
作詩

庭栢陰陰晝掩門烏知有赦開黃昏漢宮自種三生福
楚客還招九死魂縱有鋤犂及田畝已無面目見丘園

只應聖主如堯舜猶許先生作正言

聽僧昭素琴

溫和無攪醅

續騶忌子言鼓琴曰攪之深醅之俞者政之平也

至平無按抑不

知微妙聲究竟從何出散我不平氣洗我不和心此心知有在尚復此微吟

聽賢師琴

大絃春溫和且平小絃廉折亮以清

厚騶忌子以鼓琴見齊威王曰夫大

絃濁以春溫者君也小絃廉折以清者臣也

平生未識宮與角但聞牛鳴盎

中雉登木

續管子地員篇凡聽徵如負猪豕覺而駭凡聽羽如鳴馬在野凡聽宮如牛鳴窳凡聽商

如離羣羊凡聽角如鷄登木以鳴音疾而清

門前剥啄誰叩門山僧未開君

勿嗔歸家且覓千斛水淨洗從前箏笛耳

次公樂天廢琴詩何物使

之然羌笛與秦箏先生詩話云昵昵兒女語恩怨相爾汝劃然變軒昂勇士赴敵場此退之聽穎師琴詩也歐陽公嘗問僕琴詩何者最佳余以此答之公言此詩固奇麗然自是聽琵琶詩非琴詩余退而作杭僧惟賢詩云云且曰詩成欲寄公而公薨至今以為恨

潤州甘露寺彈箏

多景樓上彈神曲

次公神曲蓋今箏中有之舊注却引白樂天詩夜聞箏中彈瀟湘送神曲

有感非是堯卿揚立素云孫洙巨源王存正仲與東坡
同遊多景樓京師宮妓皆在而胡琴者姿伎尤妙三公
皆一時英彥境之勝客之秀妓之妙真為稀遇酒闌巨
源請於東坡曰殘霞晚照非奇辭遂作採桑子所謂多
情多感仍多病
多景樓中是也
欲斷哀絃再三促江妃出聽霧雨愁

續郭

璞江賦馮夷倚浪以傲
晚江神含頰而綿眇

白浪翻空動浮玉

金山名

喚取吾

家雙鳳槽

堯卿潘岳笙賦云光伎儼其階列雙鳳槽以和鳴

遣作三峽孤猿號

堯卿梁簡文巴東三峽歌云巴東三峽巫峽長猿鳴三聲淚沾裳

與君合奏芳春調咏

木飛來霜樹杪

堯卿文忠公於劉功曹家見楊直講女奴彈琵琶詩云大絃聲遲小絃促十歲

嬌門彈啄木啄木不啄新生枝唯啄牙槎枯木腹啄木飛從何處來花間葉底時丁丁林空山靜聲逾響行人

金少卿入合二
舉頭飛

鳥驚

陌上花三首

并引

游九仙山間里中兒歌陌上花吳越王妃每歲春必
歸臨安王以書遺妃曰陌上花開可緩緩歸矣吳人
用其語為歌含思宛轉聽之凄然而具詞鄙野為易
之云

陌上花開蝴蝶飛江山猶是昔人非遺民幾度垂垂老
遊女長歌緩緩歸

陌上山花無數開
路人爭看翠輦來
若為留得堂堂去
且更從教緩緩迴

生前富貴草頭露

續杜詩惜君只欲苦死留富貴何如草頭露

身後風流陌

上花且作遲遲君
去魯獨歌緩緩妾
回家

刁景純賞瑞香花憶先朝侍宴次韻

敬夫廬山記云瑞香花紫

而香烈非羣芳之比其始蓋出此山

上苑夭桃自作行
劉郎去後幾回芳
厭從年少追新賞

閒對宮花識舊香
欲贈佳人非泛洎

續溱洎詩伊其相誼贈之以芍藥

金夕月合三
好紉幽佩弔沈湘

援離騷紉秋蘭以為佩

鶴林神女無消息為問

何年返帝鄉

鶴林神女見前冬日牡丹詩注

九月十五日觀月聽琴西湖示坐客

白露下衆草碧空卷微雲孤光為誰來似為我與君
水天浮四座河漢落酒樽使我冰雪腸不受麴蘖薰尚恨
琴有絃出魚亂湖紋哀彈本舊曲妙耳非昔聞良時失
俯仰此見寧朝昏懸知一生中道眼無由渾

聽武道士彈賀若

清風終日自開簾涼月今宵肯挂簷琴裏若能知賀若

續賀若琴操名唐宣

宗時待詔賀若所製

詩中定合愛陶潛

次公賀若之曲具聲雅淡而有

餘韻猶陶潛詩外枯而中腴故以此焉

舟中聽大人彈琴

彈琴江浦夜漏永歛衽竊聽獨激昂風松瀑布已清絕
更愛玉珮聲琅璫自從鄭衛亂雅樂古器殘破世已忘
千年寥落獨琴在有如老仙不死閱興亡世人不容獨
反古強以新曲求鏗鏘微音淡弄忽變轉數聲浮胞如

笙簧無情枯木今尚爾何況古意墮渺茫江空月出人
響絕夜闌更請彈文王

續古琴調
有文王操

次韻子由彈琴

琴上遺聲久不彈琴中古意本長存苦心欲記常迷舊
信指如歸自着痕應有仙人依樹聽空教瘦鶴舞風騫

誰知千里溪堂夜時引驚猿撼竹軒

過終南日令道士
趙宗有彈琴溪堂

祥符寺九曲觀燈

商老按杭州國經大中祥符寺
在城北宋朝大中祥符初賜今

號九曲法濟院在錢塘

門外寺有明軒與軒云

紗籠擎燭迎門入銀葉燒香見客邀

事見諸香名譜

金鼎轉丹

光吐夜寶珠穿蟻鬧連宵

次公小說載有以九曲寶珠欲穿之而不得問之孔子孔

子教以塗脂於線使蟻通焉

波翻焰裏元相激魚舞湯中不畏焦

續三

國時有術士以藥傅魚投沸鼎中徘徊不死次公此直言琉璃蓋水置魚其中其後點燈魚游泳而不畏耳今燈富處皆然舊

明日酒醒空想像清吟半逐夢魂銷

次韻穎叔觀燈

安西老守是禪僧到處應燃無盡燈
永夜出遊從萬騎諸羌入看擁千層
便因行樂令投甲不用防秋更打冰

振旅歸來還侍燕十分宣勸恐難勝

間錢道士與越守錢穆父飲酒送二壺

龍根為脯玉為漿

師幽怪錄有巴邛人不知姓嘗入橘林見一大橘如三四斗盎巴人異之

令攀橘剖開中有二老叟相對弈身長尺餘一叟曰僕饑中之樂不減商山但恨不得深根固蒂耳一叟曰僕饑虛矣須龍脯食之食訖以水嚥地為二白龍乃去又十洲記瀛洲有玉膏如酒名曰玉酒飲杯輒醉令人長生

任上元夫人謂漢武下界寒酸亦謾嘗一紙鵝經逸少

帝曰鳴天鼓飲玉漿

醉續晉王羲之傳山陰道士好養鵝羲之往觀焉意甚悅固求市之道士云為寫道德經當舉羣相贈羲之

欣然寫畢他年鵬賦謫仙狂續李白觀晉阮宣子大鵬贊心陋之遂作大鵬賦以

龍鵠而歸

窮宏達
之旨

金丹自足留衰鬢

子仁抱朴子內篇曰金丹燒之愈久變化愈妙令人不老

不

苦淚何須點別腸吳越舊邦遺澤在定應符竹付諸

郎

援漢文帝初與郡守為竹符分為二以右留京師以左與之師穆父與錢道士皆吳越王錢鏐之後

次韻潛師放魚

子倉參寥子詩集載此詩其序云虛白齋與子瞻共坐有客饋魚於

子瞻子瞻遣放之遂命賦是詩有使君事道不事腹杞菊終年食甘美之句子瞻遂次其韻

法師說法臨泗水無數天花隨麈尾

堯卿法雲母吳氏初生雲時忽見雲

氣滿室光色瑩徹因名法雲出家之後更不易之時梁武方重佛法尤敬於雲與誌公相苦誌公亦重焉號為大林法師雲方講次有天花散墜舉眾咸見歎異非常又維摩詰寶有天女見諸天人間所說法便見其身即

以天花散諸菩薩大弟子上花至菩薩即皆墜落至大弟子便著不墜

勸將淨業種西方

莫待夢中呼起

厚鄭玄夢孔子告之曰起起今年歲在辰明年歲在巳既寤以識合之曰

辰為龍巳為蛇歲在龍蛇賢人嗟知命將終矣

哀哉若魚竟坐口遠愧知幾穆

生醴况逢孟簡對盧仝

續孟簡為常州刺史與盧仝遊北湖盡買漁人所獲魚放之仝

作觀放生歌

不怕校人欺子美疲民尚作魚尾赤

任詩魴魚賴尾注云

魚勞則尾赤師按公詩案言此譏朝廷行青苗助役法

數畧未除吾賴泚法師自

有衣中珠不用辛苦泥沙底

次公三秦記漢武帝遊昆明池見大魚銜鉤而放之

間三日帝復遊池濱得明月珠一雙帝曰豈魚之報邪堯卿白樂天放魚詩施恩若望報吾非斯人徒不須泥

沙底辛苦

覓明珠

西湖秋涸東池魚窘甚因會客呼網師遷之西池
為一笑之樂夜歸被酒不能寢戲作放魚

東池浮萍半粘塊裂碧跳青出魚背西池秋水尚涵空
舞濶搖深吹荇帶吾僚有意為遷居老守縱饒那忍膾

縱橫爭看銀刀出

次公銀刀白魚之狀
杜詩出網銀刀亂

漣潏初驚玉花

碎但愁數罟損鱗鬣未信長堤隔濤瀨濺濺發發須臾

間

次公詩碩人篇苑
眾濺濺鱣鮪發發

圍圍洋洋尋丈外安知中無蛟龍

種

邵老襄沔記云龍煥字世文晉太康中牂柯太守去官還鄉里里人語曰我家池裏龍種來歸

尚恐

或有風雲會明年春水漲西湖好去相忘渺淮海

厚莊子魚

相忘於江湖白樂天放魚詩憐其不得所移放於南湖南湖連西江好去莫踟躕

復次放魚前韻答趙承議陳教授

趙景貺陳履常

擾擾萬生同大塊槍榆不羨培風背青丘已吞雲夢芥

黃河復遶天門帶

厚漢官儀及泰山記曰泰山盤道屈曲而上凡五十餘盤經小天門仰視

天門如從穴中視天窓矣又云黃河去泰山三百餘里於祠所瞻黃河如帶

嘗譏韓子隘且

陋一飽鯨魚何足膾

援退之詩巨鰐東釣儻可期與子共飽鯨魚膾

東坡也是

可憐人

子仁杜詩蘇侯得數過權喜每顛倒也是可憐人呼兒具梨棗

披挾泥沙收細

碎次公

齊已詩云翻思易水土細碎動離魂

誓將歸休八節灘

續白樂天早年歸休於所

居履道里

且築香山石樓鑒

又欲往釣七里瀨

厚顧野

龍澗八節灘

為游賞之樂

又欲往釣七里瀨

王輿地

志七里瀨

在東陽江下與嚴陵瀨相接

正似此魚逃網

唐駱賓王釣磯文

余晨行至七里瀨

正似此魚逃網

中未與造物遊數外且將新句調二子湖上秋高風月

會為君更喚木腸兒脚扣兩舷歌小海

續晉書隱逸傳賈充令夏統歌

小海唱統

以足扣舷引聲清激風起畫冥舟人恐懼充

令妓女盛服

金翠繞其船三匝統若無所聞充曰此吳

兒木人

石心也

次韻曾子開從駕二首

子開名肇

街槐綠閣雨初勻，瑞霧香風滿後塵。
清廟幸同觀濟濟，

續詩清廟祀文王也其詩曰濟濟多士秉文之德

豐年喜復接陳陳

厚豐年亦詩名而前

漢書有云太倉之粟陳陳相因雍容已饜天庖，賜俯伏初嘗貢茗新輦。

路歸來間好語

厚李賀詩沙路歸來間好語早火不光天下雨

共驚堯顙類高

辛

次公高辛帝嚳乃堯之父也堯以言宋哲宗而高辛以言宋神宗用堯顙字則孔子世家載孔子立於鄭

之東門鄭人謂子貢曰東門有人其顙似堯今借此以言宋哲宗之類宋神宗也

入仗魂驚愧草萊，一聲清蹕九門開。
暉暉日傍金輿轉，

習習風從玉宇來，流落生還真一芥。
周章危立近三槐，學士班近執政厚周。
禮面三槐三公位焉。道傍儻有山中舊，問我收身早晚。

回

再和

眼花錯莫鬢霜勻，病馬羸駒只自塵。
奉引拾遺叨侍從，

續杜詩我昔思歸少，傳羨朱陳。
厚白樂天以太子少傅致仕有詩云憶昨旅遊

近侍叨奉引，初迄今五十春。
孤舟三過楚羸馬，四經秦一生苦如此。
長羨朱陳民，朱陳村在徐州豐縣去縣遠而官事少處。
深山，中民俗淳質，一村惟朱陳二姓世為婚。
姻民安其土，無羈旅行役之勞，故多壽考。

衰年壯觀

空驚目嶮韻清詩苦關新最後數篇君莫厭擣殘椒桂

有餘辛

次公此句士大夫傳云當時有問先生句義何如先生曰言其辣也子仁詩話云先生在北扉

和辛字韻詩韻窘束而往反不已先生厭之復和云云顧問客曰解此否謂唱首多辣氣故爾詩話椒作薑

憶觀蒼海過東萊日照三山迤邐開

次公三山於寰宇記載在萊於掖縣

注云在海之南岸先生赴密州時有詩

桂觀飛樓凌霧起仙幢寶蓋拂天

來不聞宮漏催晨箭但覺簷陰轉古槐供奉清班非老

處會稽何日乞方回

時方乞會稽守續晉郝惜字方回為徐兗二州刺史具子超為作牋

陳老病乞閒地自養恒溫大喜即轉為會稽太守

司竹監燒葦園因召都巡檢柴貽勗左藏以其徒
會獵園下

官園刈葦歲留槎深冬放火如紅霞枯槎燒盡有根在
春雨一洗皆萌芽黃狐老兔最狡捷賣侮百獸常矜誇
年年此厄竟不悟但愛蒙密爭來家風迴熖卷毛尾熱
欲出已被蒼鷹遮野人來言此最樂徒手曉出歸滿車
巡邊將軍在近邑呼來颯颯從矛戍兵久閒可小試

子仁吳主闔閭謂孫武
曰可以小試勒兵乎

戰鼓雖凍猶堪撾雄心欲搏南

澗虎陣勢頗學常山蛇霜乾火烈聲爆野飛走無路號

且呀迎人截來若逢箭避犬逸去窮投置擊鮮走馬殊

未厭

次公漢陸賈謂其子曰數擊鮮母久溷汝為也

但恐落日催栖鴟弊旗仆

鼓坐數獲

續周官大司馬羣吏弊旗注弊仆也

鞍挂雉兔肩分麇主人置

酒聚狂客紛紛醉語晚更譁燎毛燔肉不暇割飲啖直

欲追羲媧青丘雲夢古所咤

續司馬相如賦子虛過咤焉有先生之言齊曰秋田

手青丘彷彿乎海外吞若雲夢者八九於其胸中曾不芥蒂

與此何啻百倍加苦遭

諫疏說夷羿

援魏絳諫晉侯引虞人之箴曰在帝夷羿冒于原獸

又被賦客嘲淫

奢豈如閒官走山邑放曠不與趨朝衙農工已畢歲云

暮車騎雖少賓殊佳酒酣上馬去不告獵獵霜風吹帽

斜

厚北史獨孤信嘗因獵日暮馳馬入城其帽微側詰旦人有戴帽者咸慕信而側其帽焉

和梅戶曹會獵鐵溝

山西從古說三明

續漢安定皇甫威明燉煌張然明武威段紀明並知名顯達京師稱為涼

州三明贊曰山西多猛三明麗蹤

誰信儒冠也捍城竿上鯨鯢猶未掩

近巢數盜

草中狐兔不須驚

續杜詩草中狐兔盡何益天子不在咸陽宮

東州趙

叟飲無敵南國梅仙詩有聲

次公左氏傳趙旗云趙叟在後

不向如臯

閒射雉

是日惟梅趙不射厚左傳賈大夫惡娶妻而美三年不言不笑御以如臯射雉獲之其妻始笑

而言次公臯者澤名也如訓往也言御其妻而往於臯澤也然自古樂府詩已誤使樂府詩有雉子班三篇皆使如臯字張正見曰唯當度弱水不怯如臯箭毛處約曰能使如臯路相追巧笑歸江總曰暫往如臯路當令巧笑開上兩篇猶未覺其誤至江總詩如臯上暫往歸字蓋誤指如臯兩字為地名矣今先生亦承此誤乎歸

來何以得卿卿

援王戎妻每呼戎為卿戎曰婦卿婿於理不順答曰我愛卿親卿所以卿卿我

不卿卿誰當卿卿

祭常山回小獵

堯卿熙寧八年作

青蓋前頭點皂旗黃茆岡下出長圍弄風驕馬跑空立

超兔蒼鷹掠地飛回望白雲生翠巘歸來紅葉滿征衣

聖朝若用西涼簿白羽猶能效一揮

厚晉顧榮傳齊王同召為大司馬主

簿周圯與榮謀起兵攻陳敏榮歛舟於南岸敏率萬餘人舟不獲濟榮麾以羽扇其衆潰散亮卿晉謝父為西涼州簿父本書生使之用兵

人日獵城南會者十人以身輕一鳥過槍急萬人
呼為韻軾分得鳥字

兒童笑使君憂慍長悄悄誰拈白接羅令跨金驤裹東

風吹濕雪手冷怯清曉忽發兩鳴鶻

厚鳴鶻鳴鏑也漢匈奴傳冒頓常為

之相趨飛蟲小放弓一長嘯目送孤鴻矯吟詩忘鞭轡

不語頭自掉歸來仍脫粟

續公孫弘飯脫粟

鹽豉煮芹蓼

次公陸機

云千里蓴羹未下鹽豉

何似雷將軍

亮卿將軍雷勝華陰人也王父唐令狐潮圍雍丘雷萬春

立城上面中六矢而不動遙謂張巡曰向見雷將軍乃知足下軍令矣

兩眼霜鵲皎黑頭

已為將百戰意未了馬上倒銀鉸得兔不暇燎少年負

奇志蹭蹬百憂繞回首英雄人老死亦不少青春還一

夢餘年真過鳥

次公蓋使老杜句云餘生如過鳥故謂之真以明之師李太白詩生猶鳥過目

胡乃自結束景公一何愚牛山淚相續

莫上呼鷹臺平生笑劉表

續襄陽耆舊傳

云劉表任荊州刺史築臺名呼鷹仍作野鷹來曲養潭
裏沔記劉表呼鷹臺在縣東七里高三丈周七十丈

將官雷勝得過字代作

胡騎入回中

厚回中在定安高平有險阻蕭關在其北

急烽連夜過短刀穿

虜陣濺血貂裘浣一來輦轂下愁悶惟欲卧今朝從公
獵稍覺天宇大一雙鐵絲箭未發毛先唾射殺雪毛狐

次公傲老杜射殺林中雪色鹿

腰間餘一箇

有言郡東北荆山下可以溝畎積水因與吳正字

王戶曹同往相視以地多亂石不果還遊聖女山

山有石室如墓而無棺槨或云宋司馬桓魋墓二

子有詩次其韻二首

敬夫按先生集遊桓山記云元豐三年正月乙亥春服既

成從二三子遊於泗水之上登桓山入石室

側手區區未易遮

續時河決水方退諺有側手障黃河之語

奔流一瞬卷千

家共疑智伯初圍趙

續左氏智伯率韓魏攻趙襄子懼奔晉陽三國攻晉陽引汾水灌其

邑城不浸者三板

猶有張湯欲漕斜

厚後漢溝洫志人有上書欲通褒斜漕事下御史大

夫張湯往問之言抵蜀從故道故道多阪回遠今穿褒斜道少阪近四百里而褒水通沔斜通渭皆可以船漕上以為然而水多

已坐迂踈來此地分將勞苦送生涯

湍石竟不可漕

使君下策真堪笑，隱隱驚雷響踏車。

茫茫清泗遠孤岑，歸路相將得暫臨。試看芒鞋穿犖确，

更燃松炬照幽深。縱令司馬能鑿石，

續宋司馬桓魋自為石椁三年不成

會有中郎解摸金。

厚陳琳為東紹作檄書言曹操時置發丘中郎將摸金校尉所過隳突無

骸不露強寫蒼崖留歲月，他年誰識此時心。

起伏龍行

并序

徐州城東二十里有石潭，父老云與泗水通，增損清濁相應不差。時有河魚出焉。元豐元年春早，或云置

虎頭潭中可以致雷雨用其說作起伏龍行

何年白竹千鈞弩射殺南山雪毛虎

續秦昭王時有一白虎數遊秦蜀巴

漢之境傷害千餘人昭王乃重募國中殺虎者時有巴郡閬中夷人能作白竹之弩登樓射殺白虎事見後漢史師武經教弩法云古有下竹八檐雙弓黃連之號皆弩名至今顱骨帶霜牙尚作

四海毛蟲祖東方久旱千里赤三月行人口生土碧潭

近在古城東神物所蟠誰敢侮上歌蒼石擁巖竇下應

清河通水府眼光作電走金蛇鼻息為雲擢烟縷當年

負圖傳帝命左右義軒詔神禹

厚龍馬負圖於河伏羲則之以畫八卦黃帝言

余夢兩龍提白圖以授余於河之都洛出龜書以賜神禹洪範是也次公河圖書曰舜以太尉即帝位與三公臨觀黃龍五采

爾來懷寶但貪眠

子仁莊子驪龍領下有珠得之者必遭其

睡也又張華云龍抱寶而眠謂之癡龍

滿腹雷霆瘖不吐赤龍白虎戰明

日是月丙辰明日庚寅續劉禹錫言以虎頭置龍潭中威猛相擊其勢必鬪則可致風雨或遇歲旱為之有

驗倒卷黃河作飛雨嗟吾豈樂鬪兩雄有事徑須煩一

怒

李委吹笛

并引

元符五年十二月十九日東坡生日也置酒赤壁磯

下踞高峰俯鵲巢酒酣笛聲起於江上客有郭石二
生頗知音謂坡曰笛聲有新意非俗工也使人問之
則進士李委聞坡生日作新曲曰鶴南飛以獻呼之
使前則青巾紫裘要笛而已既奏新曲又快作數弄
嘹然有穿雲裂石之聲坐客皆引滿醉倒委袖出嘉
紙一幅曰吾無求於公得一絕句足矣坡笑而從之
山頭孤鶴向南飛載我南遊到九嶷下界何人也吹笛
可憐時復犯龜茲

夜直秘閣呈王敏甫

蓬瀛宮闕隔埃氛，帝樂天香似許聞。
瓦弄寒蟬驚卧月，樓生晴靄鳳盤雲。
共誰交臂論今古，只有閒心對此君。
大隱本來無境界，北山猿鶴謾移文。

余自城中還道中雲氣自山中來如羣馬奔突以
手掇開籠收其中歸家雲盈籠開而放之作攬雲
篇

物役會有時，星言從高駕。道逢南山雪，歛吸如電過。竟

誰使令之袞袞從空下龍移相排拶鳳舞或顙亞散為
東郊霧凍作枯樹稼或飛入吾車偪仄入肘膊搏取置
笥中提携反茅舍開緘乃放之掣去仍變化雲予汝歸
山無使達官怕

鴉種麥行

霜林老鴉閒無用畦東拾麥畦西種畦西種得青猗猗
畦東已作牛尾稀明年麥熟芒攢槩農夫未食鴉先啄
徐行俛仰若自矜鼓翅跳跟上牛角憶昔舜耕歷山鳥

為耘

次公史記舜本紀舜耕歷山歷山之入皆讓畔其後崩於蒼梧之野註引傳曰舜葬蒼梧象為之耕

又夏禹本紀禹葬會稽註引地理志云山上有禹祠相傳以為下有羣鳥耘田故文選註左思詩云舜葬蒼梧象為之耕禹葬會稽鳥為之耘先生下筆痛快不復檢目堯祖笠澤叢書云世謂舜之在下田于歷山象為之耕鳥為之耘

聖德感召也如今老鴉種麥更辛勤農夫羅拜鴉飛起

勸農使者來行水

吳中田婦歎

和賈收韻

今年粳稻熟苦遲庶見霜風來幾時霜風來時雨如瀉
杷頭出茵鎌生衣眼枯淚盡雨不盡恁見黃穗卧青泥

茅苦一月隴上宿天晴穫稻隨車歸汗流肩頰載入市

厚退之城南聯句
云川熟擔肩頰

價賤乞與如糟糲賣牛納稅折屋炊

慮淺不及明年饑官今要錢不要米

子仁司馬溫公曰
百姓有米而官不

要米百姓無錢
而官必耍錢

西北萬里招羌兒龔黃滿朝人更苦不

如却作河伯婦

厚史記滑稽傳魏文侯時西門豹為鄴
令會長老問民所疾苦長老曰苦為河

伯娶婦豹問其故曰鄴三老廷掾常歲賦歛百姓得數
百萬為河伯娶婦當其時巫行視小家女好者令粉飾
之沈之河中云不爾即有
水患於是豹至遂禁絕之

臂痛謁告作三絕句示四君子

公退清閒如致仕酒餘歡適似還鄉不妨更有安心病

卧看縈簾一炷香

心有何求遣病安年來古井不生瀾

子仁孟郊詩妾心古井水波瀾誓不

起 祇愁戲瓦間童子却作泠泠一水看

續楞嚴經月光童子白佛言我

作水觀室中安禪有弟子窺窗惟見清水取一瓦礫投水我出定後頓覺心痛爾時童子來前說如上事我則告言汝更見水可即除去瓦礫童子奉教後入定時開門除之我後出定身即如初

小閣低窗卧晏溫

援西漢郊祀志上至中山晏溫注云三輔謂日出清霽為晏晏而溫也

了然非默亦非言維摩示病吾真病誰識東坡不二門

客位假寐

因謁鳳翔府
守陳公弼

謁入不得去兀

坐如枯株豈惟主忘客今我亦忘吾同

僚不解事慍色

見髯鬚雖無性命憂且復忍須臾

續晉
郝超

為中書侍郎謝
前文度便欲去

安與王文度共詣超日旰未得
安曰不能為性命忍須臾邪

富陽妙庭觀董雙成故宅發地得丹鼎覆以銅盤

承以琉璃盆盆既破碎丹亦為人爭奪持去今獨

盤鼎在耳二首

饒富陽圖經云妙庭觀在縣西十
五里國朝天聖中道士發地得丹

鼎

人去山空鶴不歸丹亡鼎在世徒悲可憐九轉功成後

却把飛昇乞肉芝

次公宣志河中永樂道淨院唐文宗時道士鄧太玄鍊丹於藥院中藥成

疑功未究留貯院內人共掌之太玄死周悟先主院事時有蒲人侯道華者事悟先以供給使諸道士皆奴畜之而道華愈欣然一旦昧爽衆晨起道華房中亡所見獨留一詩云帖裏大還丹多年色不移前宵盜喫却今日碧空飛慚愧深珍重珍重鄧天師他年鍊得藥留著與肉芝吾師知此術速鍊莫為遲三清專相待大羅的有期其下列細詞稱去年七月一日蒙韓君賜姓李名肉芝配住上清善進院學者多疑肉芝字舊註引真誥言得隱芝服之便為真仙又或以為抱朴子所謂肉芝且以為先生曾賦詩者今故為詳載所出

琉璃擊碎走金丹無復神光發舊壘時有世人來舐鼎

欲隨雞犬事劉安

續前漢淮南王安臨仙去餘藥在庭中雞犬舐之並得飛昇故雞鳴雲中

犬吠

天上

讀孟郊詩二首

夜讀孟郊詩細字如牛毛寒燈照昏花佳處時一遭孤

芳擢荒穢苦語餘詩騷水清石鑿鑿湍激不受篙初如

食小魚所得不償勞又似煮彭蠡竟日嚼空螯要當鬪

僧清

續指如賈島者也島初為僧名無本詩材與郊齊名

未足當韓豪人生如朝

露日夜火銷膏何苦將兩耳聽此寒蟲號不如且置之

飲我玉卮醪

我憎孟郊詩復作孟郊語饑腸自鳴喚空壁轉饑鼠詩
從肺腑出出輒愁肺腑有如黃河魚出膏以自煮尚愛

銅斗歌鄙俚頗近古桃弓射鴨罷獨速短蓑舞

次公郊送炎公

詩十二首其一曰銅斗飲江水手拍銅斗歌儂是拍浪兒飲則拜浪婆腳踏小船頭獨速舞短蓑笑伊漁陽搽空持文章多閒倚青竹竿白日柰我何又曰短蓑不怕雨白鷺相爭飛短楫畫菰蒲闌作豪橫歸笑伊水健兒浪戰求光輝不如竹

不憂踏船翻踏浪不踏土

次公按郊詩又

曰射鴨復射鴨鴨驚孤蒲頭驚鷺亦零落彩色難相求儂是清浪兒每踏清浪遊笑伊鄉貢郎踏土稱風流如

何卅角翁至死不裹頭

吳姬霜雪白赤脚浣白紵嫁與踏浪兒

亮卿

唐李益詩早知潮有信嫁與弄潮兒

不識離別苦歌君江湖曲感我長羈

旅

雲龍山觀燒得雲字

丁女真水妃

次公左傳昭九年夏四月陳災鄭裨竈曰五年陳將復封封五十二年而遂亡子產

問其故對曰陳水屬也火水妃也而楚所相也注云火畏水故為之妃引以女丁字則退之陸渾山火詩云女

丁歸壬傳世婚蓋言在丁為女而歸壬則為婦也

寒山便火耘

次公即今之水耕火耘耳

隕

霜知已殺

續春秋定公元年冬十月隕霜殺菽

坯戶聽初焚

厚李秋隕霜殺草王者順

天行誅蟄蟲瑾戶以避殺氣始聽焚萊

束緼方熠燿

援蒯通曰里母束緼請火於七肉家注緼

亂廢也 敲石俄氤氲

敬夫柳宗元詩夜發敲石火

落點甘泉烽

厚漢文帝時胡

駢入代句注烽火通於甘泉宮饒關輔記云甘泉宮在今池陽縣西去長安三百里

橫烟楚塞氛

援晉楚會盟于宋伯夙謂趙孟曰楚氛甚惡

窮蛇上喬木潛蛟躡浮雲驚飛

墮傷鴈狂走迷癡磨谷蟄起蜩燕

次公蜩燕二物過秋則蟄

山妖竄

夔殯

續木石之怪曰夔土之怪曰殯

野竹爆哀聲幽桂飄窈芬悲同秋

照燁快若夏燎蚊火牛入烟壘

厚齊田單守即墨城收城中千餘牛為絳繒衣

畫以五采龍文束兵刃於其角而灌脂束葦於其尾燒其端鑿城千穴夜縱牛牛尾熱怒而奔燕軍燕軍驚遂

敗
燧象奔吳軍

援左氏吳伐楚楚昭王使鍼尹固執燧象以奔吳軍杜預云燒燧火係象尾者

也
崩騰井陘口萬馬皆朱憤

續韓信擊趙未至井陘口三十里止舍夜半傳發選

騎二千人人人持一赤幟從間道登山望趙軍戒曰趙見我走必空壁逐我若疾入趙壁皆拔趙幟立漢幟趙軍

歸壁皆漢幟大驚遂亂遁走次公 揺曳驪山陰諸姨爛

紅裙

厚唐玄宗每年十月幸驪山華清宮楊貴妃姊妹五家扈從一隊着一色衣五家合隊掩映如百花

發間 方隨長風卷忽值絕澗分我本山中人習見匪獨間

偶從二三子來訪張隱君

堯卿天驕山人也

君家亦何有物象

移朝曛把酒看飛燼空庭落續紛行觀農事起畦壠如

頽紋細雨發春頽嚴霜倒秋黃厚草木多實曰黃次公詩有實其實始知
一炬力洗盡狐兔羣

觀張師正所蓄辰砂

將軍結髮戰蠻溪篋有殊珍勝象犀漫說玉牀分箭鏃

師辰州出丹砂下有白石土方有砂其石如玉土人謂之砂牀本草辰砂如箭鏃者良何曾金鼎

識刀圭續淮南王安臨仙去餘藥鼎難犬舐之並得仙韓詩金丹別後知收得乞取刀圭救病身近

聞猛士收丹穴厚史記貨殖傳巴寡婦清其身得丹穴而擅其利數世欲助君王

鑄畏蹄援方士有煉丹砂成黃金法漢武帝隴首獲白麟渥洼出天馬太山見黃金因改鑄黃金為麟

趾裹蹄
以叶瑞

多少空巖人不見自隨初日吐虹霓

續日流於天其氣之

在地者結為丹砂續大洞鍊真寶經云上品光明沙者受太陽洞通澄明正真之精氣降結紅光耀如日色中品白馬牙沙者受太陽平和柔順氣結白光燦燦如雲母色下品紫靈沙者受太陽山澤之靈結紅紫色

是日偶至野人汪氏之居有神降於其室自稱天人李全字德通善篆字用筆奇妙而字不可識云天篆也與予言有所會者復作一篇仍用前韻

酒渴思茶謁扣門那知竹裏是仙村已聞龜筮通神語更看龍蛇落筆痕色瘁形枯應笑屈道存目擊豈非溫

續莊子載仲子見溫伯雪子而不言曰
若夫人者目擊而道存矣不可容聲矣
歸來獨掃空齋
卧猶恐微言入夢魂

魚蠻子

江淮水為田舟楫為室居魚鰕以為糧不耕自有餘異

哉魚蠻子本非左衽徒連排入江住竹瓦三尺廬

堯卿江南

多以竹木為排浮水中排上以葦竹瓦為屋又黃州竹樓記云黃岡之地多大竹竹工剝去其節用代陶瓦

於焉長子孫戚施且侏儒

次公戚施者能俯而不能仰之人禮記曰戚施直鑄侏儒

者短人孔子為魯相斬侏儒

擘水取魴鯉易如拾諸塗破釜不著鹽

雪鱗芼青蔬一飽便甘寢何異獺與狙人間行路難踏

地出賦租

續魯成公履畝而稅春秋書初稅畝

不如漁蠻子駕浪浮空虛

空虛未可知會當算舟車蠻子叩頭泣勿語桑大夫

厚前

漢桑弘羊洛陽賈人子能以心計年十二為武帝侍中言利析秋毫請非吏比者三老北邊騎士輅車一算商旅人輅車二算船五丈以上一算為御史大夫

間子由為郡僚所摭恐當去官

少學不為身宿志固有在雖然敢自必用舍置度外天初若相我發迹造宏大豈敢負所付捐軀欲投會寧知

事大繆舉步得狼狽

次公狼狽二獸名相附而行失一則乖故事忤者謂之狼狽

我

已無何言墮甌難追悔

厚後漢郭太傳孟敏客居太原荷甌墮地不顧而去林宗見而

問其意對曰甌已破矣視之何益林宗異之

子雖僅自免雞肋安足賴

援曹操

令曰雞肋續晉劉伶嘗因醉忤客客奮前欲毆之伶徐曰雞肋不足以安尊拳其人笑而止

低回畏

罪罟黽勉敢言退若人疑或使為子得微罪時哉歸去
來共抱東坡耒

登州海市

并序

予間登州海市舊矣父老云嘗出於春夏今歲晚不

復見矣予到官五日而去以不見為恨禱於海神廣
德王之廟明日見焉乃作此詩

東方雲海空復空羣仙出沒空明中蕩搖浮世生萬象

豈有貝闕藏珠宮

次公楚詞九歌之河伯篇云魚鱗屋兮龍堂紫貝闕兮朱宮

心知

所見皆幻影敢以耳目煩神工歲寒水冷天地閉為我
起蟄鞭魚龍重樓翠阜出霜曉異事驚倒百歲翁人間
所得容力取世外無物誰為雄率然有請不我拒信我
人厄非天窮潮陽太守南遷歸喜見石廩堆祝融

續潮陽太

守言退之也。謂衡岳廟詩云：我來正值秋雨節，陰晦昧無清風潛心默禱，若有應，豈非正直能感通？須臾靜掃衆峯出，仰見突兀撐青空。紫蓋連延接天柱，石廩騰擲堆祝融。

自言正直動山鬼，豈

知造物哀龍鍾，信眉一笑豈易得。

次公：前漢薛宣傳云：可復伸眉於後又後。

漢史云：伸眉高談。

神之報汝亦已豐，斜陽萬里孤島沒，但見碧

海磨青銅。

援十洲記：言蓬萊山在碧海之中，水皆碧，故曰碧海。杜詩：羽人掃碧海，功業竟何如。新

詩綺語亦安用，相與變滅隨東風。

子仁：黃魯直跋先生詩帖云：東坡乞得海

市不時見光景，神物亦知愛翫，攝之士乎。

夜直玉堂攜李之儀端叔詩百餘篇讀至夜半書

其後

玉堂清冷不成眠伴直難呼孟浩然

厚王維待詔金鑾殿召孟浩然商較

風雅暫借好詩消永夜每逢佳處輒參禪愁侵研滴初含

凍喜入燈花欲闌妍

續西京雜記載廣川王去疾盜發晉靈公冢獲玉蟾蜍一枚大如拳

腹可盛數合水潤如新玉取為盛水滴

寄語君家小兒子他時此句一時

編師居易作劉紅唱和詩序解云命小姪龍兒編錄勒成兩卷

病中夜讀朱博士詩

病眼亂燈火細書數塵沙君詩如秋露洗我空中花

楞續

嚴經云亦如翳人見空中
花翳病若除花於空滅

古語多妙寄可識不可誇巧

笑在頰頰

次公詩頰人巧笑倩兮注倩好口輔正義曰輔近頰也笑之貌美在於口輔

哀音

餘摻過曾坑一掬春

次公曾坑茶名蓋因地得名也

紫餅供千家懸知

貴公子醉眼無真茶崎嶇爛石上得此一寸芽

孝祥按蔡襄茶

錄云茶色貴白而餅茶多以珍膏油其面故有青黃紫黑之異次公陸羽茶經云上者生爛石中者生櫟壤下者生黃土而茶論云白茶自為一種與常茶不同其條數闡其葉瑩薄崖石之間偶然生出所生處不過一二株

耳絨封勿浪出湯老客未嘉

無已茶經云湯經三沸為老

劉醜廝詩

劉生望都民

次公望都定州屬縣也

病羸寄空窰有子曰醜厮十

二行操瓢

厚莊子盜跖無異操瓢而乞

墻間得餘粒

厚孟子齊之良人卒之東郭墻

間之祭者乞其餘不足又顧而之他注云塚間郭外冢祭也

雪中拾墮樵

厚王介甫詩云老妻

隴上收遺棄稚子林間拾墮樵

饑飽共生死水火同焚漂病翁恃一褐

度此積雪宵哀哉二暴客

次公易重門擊柝以侍暴客

掣去如饑鴉

翁既死於寒客亦易此貂崎嶇走亭長不憚雪徑遙我

仇祝與宛物色同遮邀

次公祝與宛兩賊之姓也察具人之謂

行路為出

涕二賊竟就梟

孝祥遜齋閒覽云百勞一名梟能捕燕雀小禽食之又禁蛇以其食母不孝

故古人賜梟又標其首於木故
後人標賊首以示衆者謂之梟首
誆誆訴我庭慷慨驚

吾僚曰此可名寄追配柳之堯恨我非柳子擊節為我

謠

續柳子厚童區寄傳寄者柳州堯牧兒也方十一歲

二賊劫而賣之寄為兒持賊易之一人往市一人卧

寄傍值月道上寄微伺其睡以刃殺之市者還

縛寄將遠賣寄夜半解縛復殺市者自聞於官

官賜二

萬錢無家可歸嬌為媾他日婦婉然初垂髻洗沐作小

吏裹頭束其腰

厚杜甫兵車行云去時里正為裹頭

筆研耕學苑

援張著翰林盛

事王勃能文請者甚衆金帛盈積人謂心織而衣筆耕而食

戈矛戰天驕

續單于遺漢書曰南

有大漢北有強胡胡者天之驕子也

壯士隨爾好忠孝福可徼相國有折

脇續史記范雎從須賈使齊齊王賜金及牛酒魏齊以
睢睢持魏國陰事告齊故受此賜大怒使舍人笞擊睢
折折有摺齒睢佯死得免後逃入秦為相國封侯或吹簫
厚厚周勃以吹簫給人

事豈易料無輕比僬僥

援國語曰僬僥國人長三尺短之極也

間子由瘦

僊耳至難得肉食

五日一見花豬肉十日一遇黃雞粥土人頓頓食諸芋

厚嶺表異錄諸糧即芋之類也大者如甌皮紫而肉白蒸煮食之

薦以熏鼠燒蝙蝠舊

間蜜唧嘗嘔吐稍近蝦蟇線習俗

續退之荅柳柳州食蝦蟇詩余初不下喉

近亦能稍稍

十年京國厭肥羜

厚詩亦有肥羜以速諸父

日日饑花壓紅

玉從來此腹負將軍

俗諺云大將軍食飽捫腹而嘆曰我不負汝左右曰將軍固不負此

腹此腹負將軍未嘗出少智慮也

今者固宜安脫粟人言天下無正味

即且未遽賢麋鹿

次公莊子人食鳥黍麋鹿食薦即且甘帶鴟鴞嗜鼠四者孰知正味也

海康別駕復何為

厚海康郡即雷州時子由為雷州別駕

帽寬帶落驚僮

僕相看會作兩臞仙還鄉定可騎黃鵠

糴米

糴米買東薪百物資之市不緣耕樵得飽食殊少味再

拜請邦君願受一廛地知非笑昨夢食力免內愧

次公後漢

徐穉家貧常自耕稼非其力不食

春秧幾時花夏稗忽已穠悵然撫耒

耜誰復識此意

次韻子由浴罷

理髮千梳淨風晞勝湯沐閉息萬竅通霧散名乾浴顏然語默喪靜見天地復時令具薪水漫欲濯腰腹陶匠

不可求盆斛何由足

海南無浴器故常乾浴而已

老雞臥糞土振羽

雙瞋目倦馬驟風沙

次公驥與驥同黃魯直集有題伯時欲驥玉花驄馬詩是已

奮

鬣一噴玉

厚穆天子傳天子東遊於黃澤宿于曲洛時人語曰黃之陀其馬歎沙皇人威儀黃之澤

其馮歆玉
皇人壽穀

垢淨各殊性快愜聊自沃雲母透蜀紗琉璃

瑩斲竹

次公王勃春思詩水精却挂駕鵝幔雲母斜開翡翠惟又退之簞詩携來當畫不得卧一府傳

看黃琉璃饒本草雲母石類也一名雲珠色赤一名雲

華五色具一名雲英色多青一名青液色多白一名雲

沙色青黃一名磷石色正白陶隱居云雲母
有八種色增註雲母以言厨也斲竹簞也 稍能夢中

覺漸使生處熟

厚傳燈錄老宿有語生疎處常令熟熟熟熟處故令生疎楞嚴在牀

頭妙偈時仰讀返流歸照性

次公楞嚴經云返流全六用不行又云一源返根

六根皆照獨立遺所矚

厚世說山公曰嵇叔夜之為人嵒嵒若孤松之獨立

未知仰山

禪

次公傳燈錄仰山惠寂禪師嘗謂香嚴曰汝只得如來禪未得祖師禪也

已就季主卜

次公

史記司馬季主卜於長安市賈誼嘗從之
卜又張景陽詩歲暮懷百憂將從季主卜
安心會自得
助長母相督

予以事繫御史臺獄獄吏稍見侵自度不能堪死
獄中不得一別子由故作二詩授獄卒梁成以遺
子由

聖主如天萬物春小臣愚暗自亡身百年未滿先償債
十口無歸更累人是處青山可埋骨他年夜雨獨傷神
與君世世為兄弟又結來生未了因

栢臺霜氣夜淒淒風動琅璫月向低夢遶雲山心似鹿

魂飛湯火命如雞眼中犀角真吾子

續鄭語幽王惡犀角豐盈而比讒慝

頑童身後牛衣愧老妻百歲神遊定何處桐鄉知葬浙江

西

獄中間杭濶間民為余作解厄道場者累月故有此句

十二月二十八日蒙恩責授檢校水部員外郎黃

州團練副使復用前韻

百日歸期恰及春餘年樂事最關身出門便旋風吹面
走馬聯翩鵲啁人却對酒盃渾是夢試拈詩筆已如神

此灾何必深追咎竊祿從來豈有因

平生文字為吾累此去聲名不厭低塞上縱歸他日馬

城東不關少年雞

續塞上翁失馬未必不為福曹植詩關雞東郊道

休官彭澤

貧無酒隱几維摩病有妻

續維摩詰示病又言以法喜為妻

堪笑睢陽

老從事為予投檄向江西

子由聞予下獄乞以官爵贖予罪貶筠州監酒

出局偶書

急景歸來早窮陰晚不開傾杯不能飲待得卯君來

續

由已卯生故公呼為卯君

病後醉中

病為兀兀安身物
酒作蓬蓬入腦聲
堪笑錢塘十萬戶
官家付與老書生

元豐七年有詔京東淮南築高麗亭館密海二州
騷然有逃亡者明年軾過之歎其壯麗留一絕云

簷楹飛舞垣墻外
桑柘蕭條斤斧餘
盡賜昆邪作奴婢
續前漢汲黯傳匈奴渾邪王來降賈人與市者坐當死
五百餘人黯乃請間見武帝曰夫匈奴攻當路塞絕和
親中國舉兵誅之死傷不可勝計而費以鉅萬百數臣
愚以為陛下得胡人皆以為奴婢賜從軍死者家虜獲

因以與之以謝天下塞百姓之心今縱不能又以徵文殺無知者五百餘人臣竊為陛下弗取也 不知

償得此人無

正月二十六日偶與數客野步嘉祐僧舍東南野

人家雜花盛開扣門求觀主人林氏媪出應白髮

青裙少寡獨居三十年矣感歎之餘作詩記之

按白

鶴故居圖嘉祐寺在歸善縣西

縹蒂細枝出絳房

厚杜牧之詩醉折梨園縹蒂花又李商隱詩紅袍雜絳房次公縹白色曰

縹淺黃色曰絳大赤色曰絳

綠陰青子送春忙涓涓泣露紫含笑

續金

笑花嶺南所出焰焰燒空紅佛桑厚晉安海異名記佛桑其花月重敷柔澤葉如桑花五六

出大如蜀葵有藥一條長如花葉上綴金屑日光所鑠凝為焰朝生暮落落日孤烟知客恨

短籬破屋為誰香主人白髮青裙袂子美詩中黃四娘

續杜子美詩黃四娘家花滿蹊


新渠詩并序

庚子正月予過唐州太守趙侯始復三陂疏召渠招
懷遠人散耕于唐予方為旅人不得親執壺漿簞食
以與侯勸逆四方之來者獨為新渠詩五章以告于

道路致侯之意其詞曰

新渠之水其來舒舒溢流于野至于通衢渠成如神民始不知問誰為之邦君趙侯新渠之田在渠左右渠來奕奕如赴如湊如雲斯積如屋斯溜嗟唐之人始識稊稌新渠之民自淮及潭挈其婦姑或使而顛王命趙侯宥我新民無與王事以訖七年侯謂新民爾既來止其歸爾邑告爾隣里良田千萬爾擇爾取爾耕爾食遂為爾有築室于唐孔碩且堅生為唐民飽粥與饘死葬于

唐祭有雞豚天子有命我惟爾安



東坡詩集註卷七